

大同府志

大同府志卷之一十七

大同府知府吳輔宏纂輯

宦蹟^上

昔班史序循吏傳謂所居民富所去民思度幾德讓君子遺風范史亦言仁信篤誠使人不欺我

國家澄敘官方又安億兆重農桑慎刑獄廣教化既責成守令而大吏復申三載考績之典以黜陟之百餘年來甘棠之愛民不能忘者古今一轍也是以遠稽史傳近覽志乘旁採謠頌殊聞顯迹並綴集一編以爲後之守土者式志宦蹟

大同府志

卷之十七

宦蹟

一

周

趙固爲代相武靈王十八年秦武王卒王使固迎秦公子稷於燕送歸立爲秦王是爲昭王

李伯齊人趙孝成悅之以爲代郡守人告伯反孝成王方饋不墮食告者復至王不應已而伯使言齊舉兵擊燕恐其擊燕爲名而以兵襲趙故發兵自備今燕齊已合臣請要其敝而地可多割自是從事於外者始不自疑於中

李牧趙良將常居代鴈門以便宜置吏市租皆輸入莫府爲士卒費日擊數牛饗士習騎射謹烽火多問諜厚遇

戰士約曰燧烟告急亟入收保如是數歲亦不亡失然皆以牧爲怯趙王怒召之使他人代將歲餘不利復請牧牧曰王必用臣臣如前乃敢奉令王許之牧至如故數歲士卒皆願一戰於是選車得千三百乘選騎得萬三匹百金之士五萬人穀者十萬人爲奇陳張左右翼擊之枹鼓大捷後十餘歲戍堠無警

秦

蒙恬其先齊人自祖父世爲秦將恬爲內史秦既并天下乃使恬將三十萬衆居代攻河南築長城因地形用制險塞延袤萬餘里暴師於外十餘年

大同府志

卷之十七

宦蹟

二

漢

孟舒嘗事趙王張敖高帝八年貫高等謀發詔捕敖羣臣有敢隨趙王罪三族惟田叔孟舒等十餘人赭衣自髡鉗隨敖至長安敖事白得出進言叔等十人上召見與語廷臣無能出其右上悅盡拜爲郡守諸侯相舒爲雲中守孝文帝初立召漢中守田叔問曰公知天下長者乎叔頓首曰故雲中守孟舒長者也是時舒免上曰先帝置舒雲中十餘年矣無故士卒戰死者數百人長者固殺人乎叔叩頭曰夫貫高等謀發下詔趙有敢隨張王者罪三族然孟舒自髡鉗隨王以身死之豈自知

雲中守哉漢與楚相距士卒罷敝孟舒知士卒罷敝不忍出言士爭臨城効死如子爲父以故死者數百人孟舒豈毆之哉是乃孟舒所以爲長者於是上曰賢哉孟舒復召以爲雲中守

魏尙槐里人爲雲中守其軍市租盡以饗士卒出私養錢五日一椎牛饗賓客軍吏士卒効命威鎮疆圍嘗坐上功首差六級削官後文帝以馮唐言令唐持節赦尙復爲雲中守

周勃沛人以將軍從高帝擊韓王信於代還攻樓煩二城因擊平城下遷太尉擊陳豨得豨將宋最鴈門守因

大同府志

卷之十七

宦蹟

三

轉攻得雲中守遼丞相箕肆將軍博定鴈門郡十七縣雲中郡十二縣因復擊豨靈邱破之定代郡九縣後平諸呂亂迎立代王文帝卽位以勃爲右丞相

以下五人雖未官斯

士而皆有戰功省志列之寓賢非是故仍從舊志後皆倣此例

樊噲沛人以將軍從攻韓王信於代至雲中與絳侯勃等共定之因擊破陳豨遷左丞相復破豨別將王黃軍代南斬信獲代丞相馮梁守孫奮大將王黃等遂定代鄉邑七十三

陳平陽武戶牖鄉人也高帝七年從擊韓王信於代至平城高帝被圍七日不得食用平奇計圍以得開高帝旣

出其計祕世莫得聞

酈商高陽人定上谷攻代受趙相國印與絳侯等定代郡
鴈門得代丞相程縱守相郭同將軍以下至六百石十
九人

夏侯嬰沛人從高帝擊代至武泉雲中擊韓信至平城被
圍帝使厚遺之乃開其圍一角帝出欲馳嬰固徐行弩
皆持滿外鄉卒以得脫後擊句注北破之又擊之平城
南三陷陣功爲多

傅寬以魏五大夫騎將從爲舍人積功爲齊相國高帝七
年四月擊陳豨屬太尉勃以相國代丞相噲擊豨一月

大同府志

卷之十七

宦蹟

四

徙爲代相國將屯時代國常有屯兵寬爲代相兼將屯
兵也

張蒼陽武人也好書律歷秦時爲御史入漢爲常山守從
韓信擊趙蒼得陳餘趙地平以蒼爲代相復以從攻臧
荼有功封北平侯

李廣隴西成紀人世世受射景帝時爲鴈門雲中太守武
帝卽位左右言廣名將也入爲未央衛尉後爲驍騎將
軍屬護軍將軍軍馬邑烽烟無警後四歲以衛尉爲將
軍出鴈門塞北兵多破廣軍以廣賢素聞塞北令曰得
李廣必生致之得廣廣時傷置兩馬間絡而盛之臥行

十餘里廣陽死睨其旁一兒騎善馬暫騰而上南馳得脫至漢下廣吏贖爲庶人元朔六年復爲將軍從大將軍出定襄歷七郡太守前後四十餘年得賞賜輒分其戲下飲食與士卒共之士以此愛樂爲用家無餘財終不言生產事爲人長猿臂其善射亦天性雖子孫他人學者莫能及塞北嘗號曰飛將軍

衛青字仲卿河東平陽人也元光六年拜車騎將軍出上谷賜爵關內侯其秋復將三萬騎出鴈門明年出雲中西至高闕以功封長平侯元朔五年令青將三萬騎出高闕有功天子使使持大將軍印卽軍中拜青爲大將

大同府志

卷之十七

宦蹟

五

軍益封八千七百戶

霍去病大將軍青姊子也善騎射以功封冠軍侯元狩三年爲票騎將軍四年春上令去病將五萬騎出定襄尋令青出定襄去病出代郡去病功多於青旣還大將軍票騎將軍皆爲大司馬而去病日益貴上嘗欲教之孫吳兵法對曰顧方畧何如耳不至學古兵法由是益愛重之

趙充國字翁孫隴西上邽人也沈勇有大畧少好將帥之節而學兵法本始中爲後將軍將四萬騎分屯雲中代鴈門定襄五原朔方上谷漁陽等緣邊諸郡邊境帖然

辛慶忌字子眞荻道人少以父任所在著名成帝時執金
吾左遷雲中太守徵爲光祿勳仕至左將軍質行正直
仁勇得衆心通於兵事咸服其威信焉

郅都河東大陽人爲人勇有氣公廉不發私書問遺無所
受請寄無所聽由濟南守遷中尉以事免景帝使使就

家拜都爲鴈門太守便道之官便宜從事

按都見漢書酷吏傳雖號

爲蒼鷹然公廉行法不避貴戚爲人所憚中視定襄太守義縱一日報殺四百餘人固自有間故去彼而存此

班伯樓煩人爲奉車都尉志節慷慨會定襄大姓石季羣
輩報怨殺追捕吏伯自請試守期月上卽拜伯爲定襄
太守定襄聞伯素貴年少自請治劇畏其下車作威吏

大同府志

卷之十七

宦蹟

六

民竦息伯至請問耆老父祖故人有舊恩者迎延滿堂
曰爲供具執子孫禮郡中益弛諸所賓禮皆名豪懷恩
醉酒共諫伯宜頗攝錄盜賊具言本謀亡匿處廼召屬
縣長吏選精進掾史分部收捕及它隱伏旬日盡得郡
中震慄咸稱神明

馮參上黨潞人爲人務嚴初爲渭陵令徙爲郎永始二年
遷代郡太守民甚德之

劉興爲代郡太守建武六年擊盧芳將賈覽於高柳戰歿
鄧鴻南陽新野人禹少子好籌策永平中以爲小侯引入
與議事帝以爲能拜將兵長史率五營士屯鴈門肅宗

時爲度遼將軍

耿舒扶風茂陵人况子弇弟更始徵代郡太守趙永况勸永不應召令詣光武光武遣永復郡而代令張曩據城拒永光武以舒爲復武將軍使擊曩破之後封牟平侯耿夔字上公少有氣決歷任五原遼東太守永初三年左轉雲中太守後遷行度遼將軍事以罪免建光中復拜度遼將軍

耿曩字季遇順帝初爲烏桓校尉率諸郡卒出塞威振北方遷度遼將軍

馬援字文淵扶風人拜伏波將軍建武二十五年將三千

大同府志

卷之十七

宦蹟

七

騎出高柳行鴈門代郡上谷障塞

王霸字元伯潁川潁陽人建武初拜偏將軍九年與吳漢等四將軍五萬餘人擊盧芳將賈覽閔堪於高柳拜上谷太守領屯兵如故明年復與四將軍六萬人出高柳擊賈覽霸將兵爲諸軍鋒左南將軍數千騎救覽霸等連戰於平城下破之還入鴈門與驃騎大將軍杜茂會攻盧芳將尹由於崞不克十三年詔霸將弛刑徒六千餘人與杜茂治飛狐道堆石布土築起亭障自代至平城三百餘里

郭涼字公文右北平人也身長八尺氣力壯猛雖武將通

經書多智畧建武九年爲鴈門太守與杜茂擊盧芳將尹由於繁峙鴈門人賈丹霍匡解勝等爲尹由所畧由以爲將帥與守平城十二年賈丹等聞盧芳敗遂共殺由詣涼涼上狀皆封爲列侯自是盧芳城邑稍稍來降涼誅其豪右郇氏之屬鎮撫羸弱旬月間鴈門乎

趙熹字伯陽南陽宛人建武二十七年拜太尉撫綏有方幽并二州由是而定

蘇竟字伯况扶風平陵人平帝世以明易爲博士講書祭酒善圖緯能通百家言王莽時爲代郡中尉光武卽位拜代郡太守建武五年冬盧芳畧得諸郡帝使偏將軍

大同府志

卷之十七

宦蹟

八

隨弟屯代郡竟病篤以兵屬弟詣京師拜侍中

廉范字叔度京兆杜陵人趙將廉頗之後也世爲邊郡守范舉茂才遷雲中太守會邊烽日亟吏欲傳檄求救范不聽自率士卒拒之衆寡不敵會口暮令軍各交縛兩炬三頭爇火營中星列見者謂救兵至待旦將退范乃令軍中蓐食晨往赴之大捷由此邊疆乃謐後頻歷郡守所至有聲

李膺字元禮潁川襄城人初舉孝廉歷任刺史太守轉烏桓校尉以公事免永壽二年雲中告急桓帝聞膺能徵爲度遼將軍一郡寧謐聲振遠域同郡杜密字周甫爲

人沈質少有厲俗志爲司徒胡廣所辟遷代郡太守與
膺名行相次故時人稱李杜焉

成嚴爲雲中太守建光元年邊烽警嚴擊之兵敗功曹楊
穆以身捍嚴俱力戰歿

李超爲代郡太守順帝永建元年秋死於軍事

曹彰字子文魏武子少善射御膂力過人數從征伐不避
艱險建安二十三年代郡烏桓離去彰爲北中郎將行
驍騎將軍北征身自搏戰矢發應弦而倒乘勝逐北至
於桑乾去代二百餘里長史諸將皆以爲新涉遠士馬
疲頓又受節度不得過代不可深進彰曰率師而行惟
利所在何節度乎遂上馬令軍中後出者斬一日夜乃
相及大破之

魏

裴潛字文行河東聞喜人太祖定荊州以潛叅丞相軍事
歷三縣令倉曹屬代郡未寧以潛爲代郡太守潛至案
誅郡中大吏相表裏者十餘人百姓歸心軍威大震在
代三年還爲丞相理曹掾

田豫字國讓漁陽雍奴人鄆陵侯彰征代郡以豫爲相軍
次易北伏騎擊之軍人擾亂豫因地形回車結圜陣弓
弩持滿於內疑兵塞其隙遂大破之乃平代文帝初使

豫持節護烏丸校尉在治九年摧抑兼并乘散强凌邊疆晏然威震沙漠正始末拜大中大天

牽招字子經安平觀津人太祖舉爲茂才文帝時拜右中郎將出爲鴈門太守郡在邊陲雖有候望之備而邊警不斷招旣教民戰陣又表復烏丸五百餘家租調使備鞍馬遠遣偵候吏民膽氣日銳荒野無虞復繕治陁北故上館城置屯戍以鎮内外於是野居晏蔽烽警靜息乃簡選有才識者詣太學受業還相授教數年中庠序大興明帝卽位賜爵關內侯

晉

大同府志

卷之十七

宦蹟

十

辟閭嵩幽州刺史段匹磾所署代郡太守也并州刺史劉琨忠於王室素有重望爲匹磾拘留經月遠近憤歎嵩與琨所署鴈門太守王據等連謀密作攻具欲以襲匹磾事泄嵩及據皆被害

元魏

元繼字世仁襲封江陽王孝文時累遷都督柔元撫冥懷荒三鎮諸軍事鎮北將軍高車擁部民攻邊境詔繼都督北討諸軍事自懷朔以東悉稟節度繼表請遣使推檢誅讐首一人餘加慰喻於是其徒往往歸順帝善之曰江陽良足大任也車駕北巡至鄴而高車悉降恒朔

清定世宗時官恒州刺史

按魏書諸王列傳繼曾任青州刺史歲饑爲家僮取民女

爲婦妾又以良人爲婢爲御史所彈其人固非純善但其在恒朔則有功績故節錄之他倣此

元深字智遠襲父廣陽王爵孝明時沃野鎮人破六韓拔陵叛詔深爲北道大都督受尚書李崇節度深上書求改鎮爲州以順人望不納後朝廷思深言時六鎮盡叛不得施行深復表請簡兵畱守恒州要處李崇還深專總戎政拔陵南逼別將李叔仁請援遂赴之前後降附二十萬人深與行臺元纂表求恒州以北別立郡縣安置降戶隨宜賑賚詔不從分散於冀定瀛三州深謂纂曰烽警由此作矣旣而果如其言

大同府志

卷之十七

宦蹟

十一

元澄字道鎮任城王雲之子恭宗之孫也襲父封孝文遷都洛陽恒州刺史穆泰謀不軌推朔州刺史陽平王頤爲主頤表其狀帝召澄入見曰此事非任城不辦如其弱也直往擒剪彊可承制發并肆兵以殄之遂授節銅虎竹使符御仗左右仍行恒州事行達鴈門太守夜告泰已握衆西就陽平城下聚結唯見弓仗澄聞便速進右丞孟斌曰事不可量須依勅召并肆兵然後徐動澄曰泰旣構逆應據堅城而更迎陽平度其所爲似當勢弱泰旣不相拒無故發兵非宜也但速往鎮之民心自定遂倍道兼行出其不意遣治書侍御史李煥先赴至

卽擒泰民情怡然窮其黨與罪人皆得具狀表聞帝大
悅車駕巡幸平城引見無一稱枉時人莫不歎美

元休景穆子元興二年封安定王孝文時出爲使持節征
北大將軍撫冥鎮大將蠕蠕入塞休身先將士擊走之
元羽字叔翻獻文子太和九年封廣陵王孝文將南討遣
羽持節安撫六鎮車駕旣發詔羽與太尉丕畱守京師
並加使持節遷京之後羽鎮撫代京內外肅然以畱守
功增邑五百戶

安原遼東人雅性矜嚴沉勇多智畧明元時爲獵郎出監
雲中軍事以驍勇任爲將鎮守雲中寬和愛下甚得衆

大同府志

卷之十七

宦蹟

十二

心以功賜爵武原侯

來大千代人驍果善騎射累遷征北大將軍鎮雲中兼統
白道軍事太武以其壯勇數有戰功兼悉北境險要詔

巡撫六鎮以防不虞經畧布置甚得事宜

按大千以代人鎮雲中故

人物宦蹟兩見特文
有詳畧耳他皆倣此

司馬楚之字德秀晉宣帝弟太常馗之八世孫太武初歸
國封瑯琊王車駕伐蠕蠕詔與濟陰公盧中山等督運
以繼大軍時鎮北將軍封沓亡入蠕蠕說令擊楚之等
以絕糧運乃遣奸覘入楚之軍截驢耳而去有告失驢
耳者諸將莫能察楚之曰必覘人截之以爲驗耳兵將

至矣即使軍人伐柳爲城水灌之令凍城立而兵至冰峻城固不可攻逼乃走散尋拜雲中鎮大將朔州刺史在邊二十餘年以清儉著聞

司馬躍字寶龍楚之次子拜駙馬都尉代兄金龍爲雲中鎮將躍請罷河西苑封與民墾殖有司執奏此麋鹿所聚大官取給今若與民至於奉獻時禽懼有所闕躍固請與民孝文從之楚之父子相繼鎮雲中朔土服其威德

陸俟代人太武時爲懷荒鎮大將未暮諸高車莫弗訖訟俟嚴急還請前鎮將郎孤詔許之徵俟還京既至朝見

大同府志

卷之十七

宦蹟

十三

言於太武曰陛下今以郎孤復鎮不過周年孤身必敗高車必入帝疑謂不實切責之明年諸莫弗果殺孤而入帝大驚卽召俟問其故俟曰夫高車強盛難爲其上所以蒞之以威嚴節之以憲綱欲漸加訓導使知分限而惡直醜正訟臣無恩孤獲還鎮欣其名譽專欲以寬惠仁恕加於百姓強盛之人易生陵傲無復上下然後收之以威則人懷怨懟敗亂彰矣帝笑曰卿身雖短慮何長也卽日除爲散騎常侍

源懷河西王禿髮儁檀之孫父賀來歸賜姓源氏懷謙恭寬雅有大度太和中授馮翊郡公詔使持節加侍中行

臺巡行北邊六鎮恒燕朔三州賑給貧乏兼採風俗考
論殿最事之得失皆先決後聞自京師遷洛邊朔遙遠
加連年旱儉百姓困敝懷銜命巡撫存恤有方便宜運
轉有無通濟懷上言北方連年災旱高原陸野不任營
殖惟水田少可菑畝悉爲主將參僚專擅百姓困敝日
甚請依地令分給貧民又以北鎮事勢實少畿服往日
置官全不差別沃野一鎮自將以下八百餘人黎庶怨
嗟請諸帥吏佐五分減二詔皆從之時細民爲豪強陵
壓積年枉滯一朝見申者日有百數所上事宜便於北
邊者凡四十餘條皆見嘉納正始元年蠕蠕二十萬騎

大同府志

卷之十七

宦蹟

十四

南入恒代詔懷以本官加使持節侍中出據北方諸所
處分皆以便宜從事懷至雲中蠕蠕去乃旋至恒代案
視諸鎮左右要害之地可以築城置戍之處皆量其高
下揣其厚薄及儲糧積伏之宜犬牙相制之勢表上五
十八條自魏歷齊北鎮諸戍東西九城是也及卒府寺
議諡靖諡穆詔曰府寺所執並不克允愛民好與曰惠
可諡惠公

楊播字延慶恒農華陰人太和中進北部給事中詔巡行
北邊戒以軍畧與陽平主頤等出漠北擊蠕蠕大獲而
還累遷武衛將軍太府卿景明初兼侍中使恒州贍恤

寒乏轉安北將軍播族弟鈞爲恒州刺史以疆濟稱
李崇字繼長頓邱人孝武時爲尚書令器識英敏北鎮破
六汗拔陵叛安北將軍李叔仁敗於白道詔崇以本官
加使持節開府北討大都督崇至五原別將崔暹軍敗
遂并力攻崇崇與廣陵王淵力戰累破之相持至冬乃
引還平城
李龍環冀州人以勇壯爲將統正光中北征戰死白道
高植勃海蓐人自中書侍郎歷恒州刺史以清能著稱當
時號爲良刺史

段進太武初爲白道守將蠕蠕大檀入塞圍之力屈被執
大同府志 宦蹟
卷之十七
十五
進抗聲大罵遂爲所害追贈安北將軍

張赦提中山安喜人性雄武有規畫初爲虎賁中郎時京
師盜魁自稱豹子虎子並善弓馬連及諸畜牧者各爲
部帥於靈邱鴈門閒聚爲劫害軍騎掩捕久弗獲行者
患焉赦提設防遏追窮之計宰司善之以爲逐賊軍將
乃求驍勇追之禾幾而獲虎子豹子及其黨與盡送京
師由是清靜

高市貴善無人少有武用孝昌初恒州劉崙等聚衆反市
貴爲都督率衆討崙一戰破之

北齊

高叡小名須拔趙郡王琛子襲爵容儀甚偉閑習吏職天保六年監築長城於時盛夏六月叡在途中屏除蓋扇與軍人同勞苦遐邇感悅先是役徒罷作丁壯先歸羸弱棄在山北加以饑病多致僵殞叡親帥所部與俱還配合州鄉部分營伍令彊弱相持分有餘贍不足賴以全者十三四焉八年都督北恒北蔚諸州軍事撫慰新遷量置烽戍內防外禦備有條法大爲兵民所安有無水之處禱而掘井鑿鉗裁下泉源湧出後人號曰趙郡王泉

斛律金字阿六敦朔州勅勒部人性敦直善騎射天保初大同府志
卷之十七 宦蹟
十六
封咸陽王蠕蠕爲邊人所破慮其犯塞詔金率騎二萬屯白道以備之以戰功傳

元景安魏昭成五世孫沉敏有幹局天保中累遷武衛大將軍七兵尚書時初築長城鎮戍未立詔景安於諸軍緣塞以備守督領旣多且所部軍人富於財物同行諸人贓汙狼籍惟景安纖毫無犯帝深嘉歎乃詔有司以絹五百疋賜之以彰清節

北周

于翼字文若燕公謹之子大象初拜大司徒詔巡長城立亭障西自鴈門東至碣石創新改舊咸得其要害仍除

幽定七州六鎮諸軍事先是烽警屢告居民失業翼素有威武兼明斥堠自是百姓安之

隋

源雄字世畧西平樂都人仕周開府封朔方郡公隋開皇初進位上大將軍拜徐州刺史數歲遷朔州總管深爲朔方所憚伐陳之役文帝下冊書曰惟爾上大將軍朔方公雄識悟明允風神果毅往牧徐方時逢未靖建旆馬邑安撫北方嘉謀絕境外之虞肅紀重閩中之望沙漠以北俱荷威恩呂梁之間罔不懷惠但江淮蕞爾有陳僭竊今將董率師旅清彼東南是用命爾爲行軍總

大同府志

卷之十七

宦蹟

十七

管徃欽哉及陳平以功進上柱國復鎮朔州二歲表乞骸骨徵還京師

楊爽字師仁文帝異母弟也隋受禪立爲衛王會北征以爽爲行軍元帥率李元節等四將出朔州遇沙鉢畧於白道接戰大破之沙鉢畧中重創而去

楊素字處道宏農華陰人仁壽初代高頴爲尚書左僕射其年以素爲行軍元帥出雲中累捷嘗追躡至夜而及之將復戰恐致越逸令其騎稍後親將兩騎並降者二人與之並行不之覺也候其頓舍未定趨後騎掩擊之大破

長孫晟字季晟河南洛陽人性通敏畧涉書記善彈工射
趨捷過人以功累授左勳衛驃騎將軍開皇十九年遣
晟領五萬人於朔州築大利城以處歸誠者晟奏言歸
者旣衆雖在長城之內猶被雍虞閭侵襲不得寧居請
徙五原以河爲固掘爲橫塹令處其內人必自安上從
之明年復還大利城安撫新附終右驍衛將軍

韓僧壽字元慶河南東垣人擒虎母弟亦以勇烈知名開
皇中累遷蔚州刺史封廣陵郡公尋以行軍總管後坐
事免數載復拜蔚州刺史人士憚之

韓洪字叔明擒虎季弟少善射膂力過人平陳之役以功

大同府志

卷之十七

宦蹟

十八

加柱國歷蔣廉二州刺史以洪驍勇檢校朔州總管事
尋拜代州總管

賀婁子幹代人徙居關右隋開皇中拜雲州刺史甚著威
望後數年雍虞閭遣使請降并進羊馬詔爲行軍總管
出西北道應接之還拜雲州總管以所進馬百匹羊千
口賜之下書曰自公守北門風塵不警所進還以賜公
母憂去

李充隴西成紀人慷慨有英畧開皇中頻以行軍總管有
功至上柱國拜朔州總管甚有威名

杜彥雲中人性勇果善騎射開皇初累遷左武衛將軍洪

州總管會雲州總管賀婁子幹卒上悼惜久之謂侍臣曰榆林國之重鎮安得子幹之輩乎後數日上曰吾思可以鎮榆林者莫過杜彥於是徵拜雲州總管威振北方十八年拜朔州總管尋復拜雲州總管未幾以疾徵還

于仲文字次武周燕國公實之子隨開皇初拜行軍元帥統十二總管出師服遠鎮人見仲文軍容齊肅不戰而退後復令率兵屯馬邑

郭衍字彥文太原介休人開皇五年爲瀛州刺史甚有惠政遷授朔州總管所部恒安鎮北接邊境常勞轉運衍

大同府志

卷之十七

宦蹟

十九

乃選沃饒地置屯田歲剩粟萬餘石民免轉輸之勞又築桑乾鎮皆稱旨

裴肅字神封河東聞喜人剛正有局度開皇中由膳部侍郎遷朔州總管長史治有能名

楊義臣代人性謹厚能馳射有將領才文帝甚重之以行軍總管率步騎三萬出白道屢著邊績仁壽初拜朔州總管賜御甲四年喬鍾葵圍代州詔義臣救之義臣率馬步二萬夜出西陁遲明行數十里鍾葵悉衆來拒義臣自以兵少悉取軍中牛驢得數千頭復令兵數百人持一鼓潛驅之澗谷間出其不意晡後復與鍾葵戰

兵初合命驅牛驢者疾進一時鳴鼓塵埃張天鍾葵軍不知以爲伏兵發因而大潰縱擊破之以功進位上天將軍

斛斯萬善河南人驍勇果毅與馮翊王辯齊名大業中拜武賁郎將出鴈門奮擊有功所向躡易每戰獨出當其鋒或下馬坐地引強弓射之發無不中由是邊境晏然萬善之力也其後累遷至將軍

周法尚字德邁汝南安成人少果勁有風槩好讀兵書大業初爲雲州刺史轉定襄太守煬帝幸榆林法尚朝於行宮內史令元壽言於帝曰漢武出塞旂旗千里今御

大同府志

卷之十七

宦蹟

二十

營之外請分爲二十四軍日別遣一軍發相去三十里旗幟相望鉦鼓相聞首尾連注千里不絕此亦出師之盛者也法尚曰不然兵亘千里動間山川卒有不虞四分五裂腹心有事首尾未知道阻且長難以取救雖是故事乃取敗之道也帝不懌曰卿意以爲如何法尚曰結爲方陣四面外距六宮及百官家口並住其間若有變起當頭分抗內引奇兵出外奮擊車爲壁壘重設鉤陳此與據城理亦何異若戰而捷抽騎追奔或戰不利屯營自守臣謂牢固萬全之策也帝曰善因拜左武衛將軍

李景字道興天水休官人容貌奇偉驍勇善射開皇中位上開府詔送義成公主至恒安禦變制勝報績疆場仁壽中檢校代州總管漢王諒叛并州景發兵拒之諒遣劉嵩襲景戰於城東升樓射之無不應弦而倒斬獲畧盡諒復遣嵐州刺史喬鍾葵率勁勇三萬攻之景戰士不過數千加以城池不固繼以衝擊崩毀相仍景且戰且築士卒皆殊死鬪司馬馮孝慈司法參軍呂玉並驍勇善戰儀同三司侯莫陳乂多謀畫工拒守之術景知將士可用推誠三人時出撫循而已月餘朔州總管楊義臣以兵來援合擊大破之城賴以全

大同府志

卷之十七

宦蹟

二十一

王仁恭字元實天水上邽人少剛毅修謹工騎射頻立戰功累遷至光祿大夫以事免邊烽告警煬帝以仁恭宿將詔復本官領馬邑太守其年始畢率騎數萬來攻馬邑時郡兵不滿三千仁恭簡精銳逆擊破之復入定襄仁恭率兵四千掩擊大獲而歸後爲麾下列尉劉武周所害

吐萬緒字長緒代郡人開皇初拜青州總管頗有治名朝廷以緒有威畧徙朔州總管

陳孝意河東人少有志尚以貞介知名大業中爲侍御史父憂去職居喪過禮未暮起授鴈門郡丞在郡菜食齋

居朝夕哀臨每一發聲未嘗不絕倒於時政刑日紊孝
意清節彌厲發姦摘伏動若有神吏民稱之煬帝幸江
都馬邑劉武周殺太守以叛孝意率兵與武賁郎將王
智辯討之戰於下館城反爲所敗武周轉攻傍郡百姓
洶洶懷反側前郡丞楊長仁鴈門令王確等謀應武周
孝意陰知之族滅其家郡中皆戰慄莫敢異志武周引
兵來攻力戰拒之每致克捷但孤城獨守外無聲援孝
意誓以必死每遣使江都道路隔絕竟無報命旦暮向
詔勅庫俯伏流涕悲動左右圍城百餘日糧盡爲校尉
張倫所害以城歸武周

大同府志

卷之十七

宦蹟

二十一

王頌字景彥太原祁人父僧辯爲陳武所害隋文帝伐陳
頌自請行陳平有司錄其戰功將加柱國頌以怨耻已
雪不敢受賞帝從之拜代州刺史甚有惠政

趙仲卿隴西天水人開皇中拜朔州總管於時雲代間盛
興屯田仲卿總統之治以嚴猛事多克濟由是收穫歲
廣邊戍無餽運之憂會邊警仲卿爲方陣四面拒戰經
五日高頴率大兵至合擊破之以功進上柱國

唐

李道宗字承範東平王韶子貞觀三年爲大同道行軍總
管助李靖立功邊上

李說字巖甫鄭孝王亮之後累封隴西縣男說精於職築
天成軍邊備積完官至檢校禮部尚書節度使

李靖字藥師京兆三原人姿貌瓌偉有文武材畧貞觀三
年以兵部尚書爲代州道行軍總管率驍騎三千自馬
邑直趨惡陽嶺四年進擊定襄破之獲隋齊王子正道
送京師以功封代國公又以靖爲定襄道行軍總管復
定襄恒安地斥境自陰山北至大漠還拜尚書右僕射
張儉字師約京兆新豐人初爲朔州刺史有惠政檢校代
州都督儉勸墾田力耕歲數稔乃建平糴法人之官由
是儲斛流贏遷營州都督去

大同府志

卷之十七

宦蹟

二十三

薛仁貴絳州龍門人驍勇善射以士伍起爲大將屢立奇
功後以事流象州帝念仁貴功拜右領軍衛將軍檢校
代州都督威振邊疆聞薛將軍名者皆相視失色

程務挺洺州平恩人少以勇力聞拜右領軍衛中郎將立
功雲州嗣聖初進左武衛大將軍務挺善綏禦士咸服
其威愛

王忠嗣華州鄭人雄毅寡言有武畧試守代州別駕大猾
閉門自斂不敢干法累遷左威衛將軍代北都督大同
朔方節度使天寶元年戰於桑乾河三遇三捷耀武漢
北而還進軍磧口上安邊十八策築大同靜邊二城忠

嗣本負勇敢及爲將乃能持重訓練士馬隨闕繕補有
漆弓百五十斤每弦之示無所用以兵仗授士卒雖弓
矢亦誌姓名其上軍還遺弦亡鏃皆按名第罪以故人
皆自勸器甲充物自朔方至雲中袤數千里據要險築
城堡斥地甚遠自張仁愿後四十餘年忠嗣繼其功

郭子儀華州鄭人以武舉累遷副都護天寶十四載安祿
山叛詔子儀爲衛尉卿充朔方節度子儀收靜邊軍斬
周萬頃擊高秀巖河曲敗之遂收雲中馬邑開東陁

段文楚隴州汧陽人太尉秀實之孫咸通末爲雲州防禦
使時李國昌鎮振武國昌子克用欲得雲中引兵攻之

大同府志

卷之十七

宦蹟

二十四

戰歿鬪雞臺下

柳公綽字寬京兆華原人幼孝友性質嚴重舉賢良方正
直言極諫由校書郎累遷刑部尚書太和四年爲河東
節度陁北夙稱勇武爲九姓六州所畏公綽治廢柵十
一募兵三千畱屯塞上其妻母來太原者令夫人飲食
問遺之由是懷感故悉力保鄣以病乞代去官

劉沔字子汪徐州彭城人初爲振武牙將累遷大將軍振
武節度使開成三年築都護府西北四壘武宗初遷檢
校尚書左僕射會昌二年拜河東節度進屯鴈門時天
德防禦副使石雄佐沔屯雲州沔召之謀迎還太和公

主以功加檢校司空

盧簡方初爲太原節度府判官累遷大同軍防禦使大開屯田練兵儲餉咸皆畏附入拜太僕卿領大同節度後五代

康思立山陰人少爲騎將從唐莊宗破梁以功遷指揮使明宗時爲應州刺史有善政

吳巒字寶川鄆州盧縣人唐清泰中爲大同節度判官遼師過雲州節度使沙彥珣出城迎謁爲遼所執城中推巒主州事巒卽閉門拒守遼以兵圍之晉高祖立以雲州入於遼而巒猶守城不下遼師圍之凡七月高祖義巒所爲乃以書告遼使解兵去而召巒爲武寧軍節度副使後殉城於貝州

大同府志

卷之十七

宦蹟

二十五

李嗣本本姓張氏鴈門人少事唐太祖賜姓名累以戰功遷雲州防禦使從莊宗擊劉鄩於故元城還軍振武後蔚州破嗣本戰歿

宋

田重進幽州人形質奇偉有武力積功領天德軍節度使雍熙中北征重進率兵連丁飛狐靈邱等城進攻蔚州其牙校李存璋殺蕭嘏里執耿紹忠率吏民來附會曹彬師不利乃還

潘美字仲詢大名人雍熙三年詔爲雲應路行營都部署率兵出鴈門拔寰朔雲應等州師還吏民皆內徙

楊業并州太原人幼倜儻任俠善騎射初事劉崇屢立戰功號無敵太宗聞其名及來歸以爲右領軍衛大將軍遷代州刺史以功授雲州觀察使雍熙三年副潘美爲雲應路行營都部署攻拔寰朔雲應四州護遷州民於內地尋寰州復陷業戰於陳家谷口身被數十創士卒殆盡猶力戰餘勇可賈馬重傷不能進遂爲所擒不食三日死上聞之痛惜詔贈太尉大同軍節度

遼史作楊繼業

薛超遼州平城人少有勇力由虎捷卒積功至神衛軍都

大同府志

卷之十七

宦蹟

二十六

校雍熙三年從潘美北征至鴈門西陁屢著戰績追至寰州其將趙彥辛以城降超連被創流血濡甲縷部分

軍士自若乘勝抵應州其節度副使艾正以城降還加

馬步軍都軍頭

按宋史薛超遼州平城人此平城爲今和順縣地隋開皇十六年始置平城縣

屬太原郡至宋元祐初隸遼州金改儀城縣元至元三年省入和順迄今因之則超非雲產矣省志舊志俱收入人物蓋誤以宋之平城爲兩漢北魏之平城耳且抹去本傳遼州二字尤屬牽合第攷超傳雍熙三年從潘美北征於鴈門西陁乘勝攻下寰應二州實有功北邊列之宦蹟與潘美田重進等同例

遼

張儉宛平人性端慤不事外飾統和十四年舉進士第一

調雲州幕官故事車駕經行長吏當有所獻聖宗獵雲

中節度使進曰臣境無他產惟幕僚張儉一代之寶願以爲獻先是上夢四人侍側賜食人二口至聞儉名始悟召見容止樸野訪及世務占奏三十餘事由此顧遇特異所至以明幹稱太平中爲大同軍節度使後仕至太師封王

耶律斜軫字韓隱於越曷魯孫統和初爲北院樞密使會宋師分道來侵以斜軫爲山西路兵馬都統至定安遇賀令圖軍擊破之又破於飛狐取蔚州宋軍在渾源應州者皆棄城走驍將楊繼業率兵出代州斜軫佯退伏兵發進攻至狼牙村遂擒繼業以功加守太保

大同府志

卷之十七

宦蹟

二十七

耶律題子字勝隱北府宰相兀里之孫統和四年從耶律斜軫擊敗宋師於定安授西南面招討都監率兵攻蔚州聞外援至夜伏兵道旁伺過未半而擊之城巾軍出斜軫復邀之殺傷甚衆應州守將自遁進圍寰州冒矢石先登宋軍大潰當斜軫擒楊繼業於朔州題子功居多焉

耶律頗的字撒版系出季父房咸雍八年爲彰國軍節度使道宗獵大牢古山頗的謁於行宮帝問邊事對曰自應州南境至天池皆我耕牧之地清寧間防禦不謹爲宋所侵烽堠內移似非所宜道宗然之拜北而林牙後

遣人使宋得其侵地命頗的往定疆界大康四年遷忠順軍節度使

蕭速撒字秃魯堇突呂不部人性沉毅清寧中爲彰國軍節度使咸雍十年以北院樞密副使經畧西南邊撤宋堡障戍以皮室軍上嘉之

耶律學古字乙辛隱於越洼之度孫乾亨二年爲彰國軍節度使時南境未靜民思休息乃禁約以安之會宋將潘美率兵分道來侵學古以軍少虛張旗幟爲疑兵是夜適獨虎峪舉烽火擊之獲捷自是學古與潘美各守疆域民獲安業

大同府志

卷之十七

宦蹟

二十八

金

完顏宗賢本名阿魯歷歸德永定軍節度皆有治聲天德中除忠順軍節度使賜玉帶捕盜司執數人至府宗賢問曰罪狀明白否對曰獄具矣宗賢閱其案謂僚佐曰吾察此輩必寃不數日盜果得人服其明

幹魯韓國公劾者子天眷中從都統杲襲遼於鴛鴦灤天祚西走西京已降復據城西浮圖下射攻城者幹魯與鶻巴魯攻浮圖奪之復以精銳乘浮圖下射城中遂破

西京

闍母世祖第十一子宗翰攻西京闍母與妻室等於城東

爲木洞以捍蔽矢石於北隅以芻茭塞其隍又爲四輪草車高出於堞闔母與麾下乘車先登諸軍繼之遂克西京遼兵三萬列營於西京之西闔母以三千擊之曰以一擊十不致之死地不可戰也乃使士卒去馬陣於溝塹間人皆殊死鬪遂敗遼兵追至其營而止

完顏守貞陳王希尹孫大定二十五年爲西京警巡使世祖愛其剛直再遷同知西京留守事御史臺奏守貞治有善狀上謂侍臣曰守貞勲臣子又有材能全勝其兄守道它曰可用也明昌中進西京留守後至平章政事完顏宗翰國相撤改長子天輔五年副都統杲西征會議

大同府志

卷之十七

宦蹟

二十九

奚王嶺杲軍出青嶺宗翰軍出瓢嶺期於羊城灤遼兵遁去西京叛耿守忠以兵來救宗翰率麾下衝擊之守忠敗走宗翰已撫定西路州縣還軍雲中承詔以田種千石米七千石賑新附之民會宋人來請割諸城宗翰奏言西鄙未寧割付山西諸郡則諸軍失屯據之所請姑置勿割太宗從之

完顏宗幹太祖庶長子從都統杲取中京宗翰移書言遼在鴛鴦灤可襲取之杲不能決宗幹力請從其策乃會軍於羊城灤宗幹與宗翰以精兵六千襲遼至五院司遇遼將耿守忠戰於西京城東四十里守忠敗走天會

三年敗遼於應州西余睹谷

突合速宗室子拏罕塞人嘗領偏師捕獲雲中諸山盜匪
及應州匪竊平之撫安其民而還

移刺胡刺大定二十六年爲彰國軍節度使應州僧與判
大宗正事曹王永功有舊將訴事於胡刺求永功手書
爲地胡刺得書奏之上謂宰臣曰永功以書囑事胡刺
此雖細微不可不懲凡人小過不治遂至大咎有犯必
懲庶幾能改是亦教也於是解永功職

丁暉仁字藏用大興府宛平人冲澹寡欲讀書之外無他
好皇統二年登進士第自丞令累遷至刺史所在有治

大同府志

卷之十七

宦蹟

三十

聲改同知西京畱守事首興學校以明養士之法終陝
西西路轉運使

曹望之字景蕭遼季自臨潢移家宣德除西京教授大定
中爲德州防禦使有惠政百姓爲立生祠改同知西京
畱守事上書論便宜事多見采納仕至戶部尚書

大懷貞字子正遼陽人大定中由沂州防禦遷彰國軍節
度使縣尉獲盜得一旗上圖亢宿詰之有謀叛狀株連
幾萬人懷貞請誅其首亂者十八人餘皆省釋嘗以私
忌飯僧數人就中一僧異常懷貞問曰曾爲盜殺人否
對曰無之後三日詰盜果引此僧皆服其明察

馬惠迪字吉甫溧陰人天德三年進士再調昌邑令察廉
第一補尚書省令史大定中出爲西京留守判官以治
最擢同知崇義軍節度事

裴滿亨字仲通臨潢府人大定二十八年擢進士第自奉
御累遷中都西京等路按察使時世襲家豪奪民田亨
檢其實悉還正之後轉河東南北路按察使卒於官所
歷州郡皆有政績可紀

劉仲洙字師魯大興宛平人大定三年登進士第歷官以
廉能稱章宗初除西京路提刑副使先是田穀等坐黨
罪廢錮者三十餘家仲洙知其寃上書力辨帝從之乃

大同府志

卷之十七

宦蹟

三十一

復穀官爵而黨禁遂解明昌二年同知大同府事移德
州防禦使後陞定海軍節度使致仕卒仲洙性剛直果
於從政尤長於治民所在有功迹時栢鄉人焦旭第進
士官至西京路轉運使警敏練達與仲洙並稱能吏云
按省志府志俱載劉仲誠宛平人明昌間知大同府稱
良吏其文與仲洙畧同疑仲誠卽仲洙之誤並非兩人
况仲洙金史有傳府志不載
而反載仲誠其爲舛謬無疑

完顏匡始祖九世孫承安元年簽書樞密院事行院於撫
州迎擊障葛敗其兵匡遷三官奏乞以所遷官讓其兄
奉御賽一上義而許之

程琢貞祐四年爲西京副統智勇過人出私財募集壯士

二萬復取渾源白登有恢復山西之志以宣撫副使完顏伯嘉奏同知西京畱守事屯軍代北扼太和嶺諸隘拒戰甚力後寓軍平定爲本州提控閻德用所襲被害抹撚盡忠上京路猛安人大定二十八年進士泰和中遷西京按察使時畱守紇石烈執中跋扈自紫荊關走還中都詔以盡忠爲左副元帥兼西京畱守以功進官三階未幾拜尚書右丞行省西京鎮撫守禦民甚賴之幹勒合打蓋州本得山猛安人以蔭補親軍調山陰尉縣當兵衝合打率土豪官兵身先行陣貞祐初以功遷本縣令縣升爲忠州充刺史州被兵久耕桑俱廢詔徙其

大同府志

卷之十七

宦蹟

三十一

民於太和嶺南合打遙授同知太原府事仍領其衆石抹元毅咸平府路人性沉厚武勇過人每讀書見忠義事未嘗不歎慕蔭補吏部令史累遷彰德府治中以邊警授撫州刺史元毅率吏卒三十餘人出州經畫軍餉遇戰身先士卒州倅及從吏堅請還元毅曰吾輩責任邊守乃思奔避其如百姓何縱得自安復何面目朝廷乎遂執弓矢令衆衆感其忠爭爲效死元毅力戰射無不中旣却復合元毅氣愈厲鏖戰久之衆寡不勝遂以身殉

李瞻薊州玉田人遼天慶二年進士天會間累遷德州防

禦使爲政寬平民懷其惠正隆末盜賊蠭起瞻爲忠順
軍節度使增築城壘爲備蔚人賴之以安

蒲察鄭留字文叔東京路猛安人大定二十二年進士由
陝西路按察使改順義軍節度使西京人李安兄弟爭
財府縣不能決按察使移鄭留平理月餘不問會釋奠
孔子廟鄭留乃引安兄弟與諸生敘齒列坐會酒陳說
古之友悌數事安兄弟感悟謝曰節使父母也誓不復
爭乃相讓而歸

完顏阿喜好學問襲父筭栢山猛安聽訟明決人信愛之
察廉能除彰國軍節度副使及改上京留守判官提刑

大同府志

卷之十七

宦蹟

三十三

司奏彰國軍治狀遷官後仕至河南路統軍使

元

木華黎扎刺兒氏猿臂善射多智畧以萬戶從太祖薄宣
德遂克德興攻拔雲中九原諸郡進圖撫州木華黎率
敢死士策馬橫戈大呼陷陣帝麾諸軍並進大捷

察罕唐兀烏密氏武勇過人從太祖畧雲中桑乾定薛擁
重兵守野狐嶺帝遣察罕覘虛實還言彼馬足輕動不
足畏也遂鼓行而前破其軍圍白樓七日拔之以功爲
御帳前首千戶

速哥蒙古怯烈氏太宗以爲山西大達魯花赤方受命出

有回回六人訟事不實將抵罪急入奏曰此六人者以小罪誅之恐非所以懷遠人也願以賜臣臣得意辱之使自悔悟爲他日用帝意解召六人曰生汝者速哥也其竭力以事至雲中皆釋之後有至大官者其寬大愛人多類此子忽蘭襲父職時西方多盜郡縣捕不得法當計所失物直倍償郡縣苦之有甄軍判者率羣盜殺人渾源界而奪之財縣以失捕當償忽蘭曰此大盜縣豈能制卽遣千人捕甄殺之勦其餘黨害乃除

不忽木字用臣康里部人至元二十三年爲刑部尚書命往河東按獄會大同民饑不忽木以便宜發倉廩賑之
大同府志 宦蹟
卷之十七
三十四
或奏言不忽木擅發軍儲帝曰使行發粟以活吾民乃其職也

闊闊出唐兀氏世祖時擢大同路廣勝庫達魯花赤廣勝庫者貯兵器之所時總管唐兀海牙以庫作公署置甲杖虛廩中多被蟲鼠害闊闊出言於上復之使者薛綽不花納魯速丁檄取鷹房軍衣甲弓矢闊闊責其入文書領去憲副速魯蠻令母入文書且命有司封鑰其庫將點視之闊闊出不從事聞命咎速魯蠻罷之大德元

年陞大同路武州達魯花赤

按闊闊出官大同稱職省志誤收入人物今更正

阿沙不花本康里國王族來居興和之天城以大同興和

兩郡當車駕所經有帷臺嶺者數十里無居民請詔有司作室嶺中徙邑民百戶居之割境內昔寶赤牧地使耕種以自養從之阿沙不花既領昔寶赤帝復欲盡徙興和桃山數十村之民以其地爲昔寶赤牧地阿沙不花固請存三千戶以給鷹食帝皆聽納民德之飲食必祭焉

劉伯林濟南人好任俠善騎射授都提控命選士卒爲一軍招降山後諸州太祖北還畱伯林屯天成錄功賜金虎符充西京畱守兼兵馬副元帥從破火山聞喜諸州縣時欲徙聞喜民實天成伯林力爭止之在威寧十餘

大同府志

卷之十七

宦蹟

三十五

年務農積穀與民休息鄰境凋瘵而威寧獨爲樂土子黑馬字孟方襲父職爲萬戶太宗時授都總管萬戶統西京河東諸軍尋命巡撫天下察利病會應州郭志全叛脅從誑誤者五百餘人有司議盡戮之黑馬止誅爲首數人餘悉從輕典初伯林嘗曰吾聞活千人者後必封吾所活何啻萬餘人子孫必有興者黑馬果能世其家云

李德輝字仲實通州潞縣人操履清慎嗜讀書中統三年爲山西宣慰使權勢家籍民爲僕者咸按而免之復業近千人至元中徵拜右三部尚書命錄囚山西河東行

至懷仁民有魏氏發得木偶持告其妻挾左道爲厭勝
獄詞皆具德輝察其寃知魏有愛妾疑爲妾所構陷召
鞠之不移時而服遂杖其夫而論妾以死

馬亨字大用邢州南和人習吏事以材幹稱世祖時釐諸
路戶口以亨副八春忙哥撫諭西京俾民弗擾旣還圖
山川形勢以獻他使者多以賄敗惟亨等各賜衣九襲
旌廉能焉

趙炳字彥明惠州灤陽人初侍世祖於潛邸恪勤不怠及
世祖次桓撫間以炳爲撫州長城邑規制爲之一新

謝睦歡豐州豐縣人太祖過兀刺城睦歡從攻西京力戰

大同府志

卷之十七

宦蹟

三十六

先登連中三矢仆城下太宗見而憐之命軍校拔其矢
縛牛剗其腸裸而納諸牛腹中良久乃甦誓以死報每
戰必身先之官至太原路達魯花赤

曹伯啟字士開濟寧碭山人延祐初官刑部侍郎命往大
同督徵逋負錢先是宣慰使法魯忽丁撲運嶺北糧歲
數萬石肆爲欺罔贓鉅萬前後遣使廉察皆受賂反爲
之游言最後伯啟往其人已死喻其子弟曰負官錢雖
死必徵徒賂人無益也第條汝父所賂之數官爲徵之
諸受賂者皆懼潛歸賂於其子得鈔五百餘萬緡民之
逋負而無可理者列上悉免之

張思明字士瞻輝州人皇慶五年除西京宣慰使 並
行邊境乃安

歸暘字彥溫汴梁人登至順元年進士初服官鋤奸擊強
人不敢以年少易之至正五年僉廉訪司事行部西京
以法繩趙王府官屬之貪暴者王三遣使請不爲動宣
寧縣有殺人者蔓引數十人一讞得其情盡釋之
王居禮字子敬泰定簡知應州修學開渠著有善績
韓浩便宜都元帥兼應州彰國軍節度使善拊循士卒一
軍傾心又愛護百姓性持正人不敢干以私至今土人
猶知有韓元帥云

大同府志

卷之十七

宦蹟

三十七

崔敬字伯恭大寧惠州人通刑名法律之學至元六年由
御史出僉山北廉訪司事按獄宣寧有李秀坐造僞鈔
連數十人皆與秀不相識敬疑而讞之秀曰吾以訓童
子爲業捶楚之下不敢不誣服耳敬詢知始謀者乃大
同王濁十餘年事不泄而有司誤以李秀爲王濁也移
文至大同果得王濁爲真造僞鈔者人皆傳頌之
朱尹宣寧人性敏達知懷仁縣治民有方上官見其能遇
疑難事無不委之尹剖決如神獄皆得情旣去耆老思
之爲之立碑

孫德謙河南睢州人任中書省歷大同行省平章事徐達

遣將圍大同德謙嬰城固守知力不能支乃手書目決
作詩數章詞義激烈城陷不屈死

明

李文忠字思本盱眙人洪武二年以偏將軍從右副將軍
常遇春出塞遇春卒文忠代將其軍聞大同圍急遂自
太原出鴈門以便宜邀敗於馬邑進至白陽門天雨雪
文忠移營前五里阻水自固夜乘間來劫堅壁不動質
明出精兵左右擊大破之明年拜征西左副將軍率十
萬人出野狐嶺至興和降其守將六年以左都督行山
西邊至白登獲太尉不花復追奔至蘊帽山進師豐州

大同府志

卷之十七

宦蹟

三十八

追及百千兒乃還

章存道龍泉人御史中丞溢子溢集義兵存道撫其衆遂
成練卒授處州衛指揮副使洪武三年守平陽轉左衛
指揮同知從湯和北征守哈墩不刺營五年從征陽和
力戰段頭山死之

汪興祖巢人洪武元年以都督率師既下永平遂西取大
同將三衛卒守禦再敗元兵三年進克武朔二州至大
同北口與元兵遇復敗之尋命兼山西行都督府僉事
後從傅友德伐蜀中飛石死

鄭允先天台人洪武間任渾源知州仁愛有

詣

學與諸生講論經史歲餘閭閻充足俗尚醇厚士風蒸然興起立祠祀之

陳立誠洪武間知應州創建悉出經畫改築城池移修廟學規模宏遠永爲依賴

張文煥洪武間任白洋鎮巡檢忠勇有清操邊警文煥率弓兵二百人奮勇徑進中流矢歿妻聞之亦自縊以殉遺一子貧不能自活召至京以父俸給之

王達善江南無錫人洪武間任大同府學訓導學問淵博氣度和雅遇諸生恩義兼至稱經人兩師嘗著梅花百咏後累官翰林學士

大同府志

卷之十七

宦蹟

三十九

蔣文煥長安人洪武八年任山陰知縣時國祚初定百務未興文煥建衙署修學宮置庫樓設義塚有功地方入祀名宦祠

陳質建文時以叅將守大同進中軍都督同知助宋忠保懷來忠敗退守大同代王欲舉兵應燕質持之不得發及燕兵攻大同不下蔚州廣昌附於燕質復取之成祖卽位見殺

王士嘉字道亨武城人建文中由國子生除大同山陰知縣善決疑獄有齎錢百緡臥樹下失之者士嘉曰此樹爲崇吾將治之趨駕出土民傾城往視偵不往者果得

盜代王內藏失物戶扃如故士嘉曰此必狙公教狙竊之乃陳幣於庭呼羣狙過伺而觀之果有狙攫去詰其主皆服人以爲神官至禮部右侍郎

王良永樂間以戶部主事來督大同軍餉甚有威信爲士民所服

周郁濟南人永樂間知渾源州時旱蝗郁齋沐虔禱蝗飛出境川南有虎傷人郁牒於神是夜虎果入籠中後陞荊州知府所在民有餘思

鄭亨合肥人嗣大興左衛副千戶靖難兵起從破紫荊關取蔚州直抵大同封武安侯仁宗初拜征西前將軍鎮

大同府志

卷之十七

宦蹟

四十

大同墾田積穀邊備繕完宣德間再鎮大同轉餉宣府歸附者相屬九年卒於鎮諡忠毅亨嚴肅重厚善撫循耻培克大同鎮守中官撓軍政亨裁之以理其人不悅然其卒也深悼惜之

柴車字叔輿錢塘人由舉人授武選司主事歷員外郎中宣德五年擢兵部侍郎明年山西巡按御史張勗言大同屯田多爲豪右占據命車往按得田幾二千頃還之軍後仕至兵部尚書

羅俊合肥人襲金吾左衛指揮同知宣德十年調任天城衛景泰天順間戰於蕭牆山磨兒山黑石崖破堡子等

處屢捷後官延綏叅將

周濟字大亨洛陽人永樂中舉人正統初擢御史大同鎮守中官以驕橫聞敕濟往廉之濟變服負薪入其宅盡得不法狀還報上大嘉之

羅亨信字用實東莞人永樂二年進士宣德中爲御史清軍山西有聲命食按察僉事俸待遷正統中以右僉都御史巡撫宣府大同汰諸衛冗官老弱者四百八十餘人叅將石亨請簡大同民三之一爲軍亨信奏止之晉右副都御史巡撫如故時遣官度二鎮軍田一軍八十畝外悉徵稅五升亨信言永樂時詔軍盡力墾田毋徵稅陛下復申命之今奈何忽爲此舉防邊諸軍無他生業惟恃田作况邊地磽瘠霜早收薄若一收稅則民不復耕必致竄逸上納其言景帝初晉左副都御史

李隆字彥平和州人襄城伯濬之子雄偉有將畧好讀書年十五嗣封從成祖北征屢出奇策在南京清慎守法正統五年召入總禁軍十一年巡大同賜寶刀一申飭戒備內外凜凜訖還不僂一人

李儀涿州人以薦舉進英宗初始設諸邊巡撫僉都御史丁璿方督大同宣府軍儲而儀以右僉都御史巡撫其地盛有所建置號令一新督糧叅政劉璉不職儀劾之

璉亦誣儀適叅將石亨欲奏鎮守中官郭敬罪先咨儀
儀誤緘咨牒於核餉主事文卷中戶部以聞亨敬遂相
訐命儀璉自陳而切責敬等璉止停俸二歲儀雖引罪
自負其直詞頗激被劾下吏瘐死儀居官廉謹人素德
之建昭德祠以祀璉上元人永樂中進士由御史擢居
是職後爲副都御史所至有政聲

魏源字文淵建昌人永樂四年進士累遷刑部尚書正統
二年命往大同宣府督察諸將便宜從事源按行天城
朔州諸險要令將吏分守免屯軍租一年儲火器爲邊
備諸依權貴避役者悉括歸伍邊務修飭

大同府志

卷之十七

宦蹟

四十二

朱榮字仲華沂人以總旗從軍累官至左都督永樂十二
年充總兵官鎮大同修忙牛嶺兔毛河赤山榆楊口來
勝諸城圍垣雄峻以功封武進伯子冕嗣正統四年佩
征西將軍印鎮大同十四年從北征戰於陽和死之諡

忠愍

按明史朱榮父子俱鎮大同有功舊志載冕而不及榮殊挂漏

陳懷合肥人襲父職眞定副千戶積功至都指揮使涖山
西都司事正統二年以左都督鎮大同時以日給廩餼
爲軍民累懷言於朝得減省後封平鄉伯死於土木之

難

鄭辰字文樞浙江西安人永樂四年進士由監察御使累

遷兵部左侍郎正統間與豐城侯李彬轉餉宣大鎮守都督譚廣撓令劾之事以辦得風疾告歸辰爲人重義輕財初通籍產悉讓兄弟在山西時與同僚杜僉事有違言杜卒爲治喪資遣其妻子

盧睿字仲思婺之東陽人永樂辛丑進士爲御史廉正明決正統丁巳陞右僉都御史巡撫宣大嚴法令剗蠹弊節費廣儲摧強撫弱上疏言馭遠之道在恩威相濟辛酉改命叅贊寧夏軍務以疾歸性孝友廉介見義勇爲家無餘資而貧困者多賴之

霍瑄字廷璧鳳翔人由鄉舉入國學授大同通判以武進

大同府志

卷之十七

宦蹟

四十二

伯朱冕薦就擢知府初英宗至城下瑄與理餉侍郎沈固等出謁叩馬號泣衆露刃叱之不爲動因獻英宗服物出金帛犒軍英宗嘉歎及復位瑄由山西右叅政徵拜工部右侍郎旣而巡撫上瑄治行賜誥旌異瑄在大同巡撫年富被逮瑄資其家還里爲鎮守太監韋力轉所惡撻之十餘至是以聞且言力轉僭侈不法狀力轉被逮訐瑄上兩釋之

郭登字元登武定侯英孫博聞強記善議論好談兵由勲衛累功署都指揮僉事正統十四年車駕北征扈從至大同超拜都督僉事充叅將佐總兵官劉安鎮守及議

旋師登告學士曹鼐等駕宜入紫荆關王振不從遂及於敗時大同軍壘蕭條城門晝閉人心洶洶登慷慨奮勵修城堞繕兵械拊循士卒弔死問傷親爲裹創傅藥曰吾誓與此城共存亡不令諸君獨死也駕至閉門不納英宗遣人謂登曰朕與登有姻何拒朕若是登奏曰臣奉命守城不知其他景帝監國進都督同知充副總兵尋代安爲總兵官後登率兵入援京師奏至而圍已解上優詔褒答晉右都督條上用兵方畧十餘事景泰元年春戰勝於沙窩以八百人破數千騎捷聞封定襄伯四月又勝於土城六月再却之鎮守中官陳公與登

大同府志

卷之十七

宦蹟

四十四

搆上遣人代公還登愈感奮及英宗還代王頌登功乞降敕獎勞兵部言登已封伯乃止二年以老疾乞休不許時沈固在大同久事多廢登劾奏之而薦尚書楊寧布政使年富又言大同既有御史又有巡按御史僉都御史任寧宜止巡撫宣府上悉從之其秋以疾召還登爲將兼智勇紀律嚴明動輒制勝初至大同士卒可戰者纔數百馬百餘匹越二年馬至萬五千精卒數萬屹然成巨鎮登去大同人思之

許貴字用和江都人襲父成永新伯以武進伯朱冕薦爲山西行都司督操大同諸衛士馬正統末守備大同西

路從石亨戰陽和後口敗績責力戰得還英宗北狩大
當衝要人心恟懼責以忠義激戰士力爲備守晉都
指揮使景泰元年充右叅將再遷都督同知大同乏馬
命求民間得八百餘匹所司不給直責爲請乃予之嚴
紀律明賞罰士皆樂爲用中官韋力轉淫虐衆莫敢言
責獨劾奏三年疾還京

李福眞寧人由監生任大同府同知英宗北狩福冒險進
貢久無怠志復辟後擢本府知府進叅政仍管府事

黃彪平樂人正統間以舉人知應州賑濟有方催徵不擾
祀名宦

大同府志

卷之十七

宦蹟

四十五

張鵬字騰霄涑水人景泰二年進士授御史出按大同宣
府奏兩鎮軍士敝衣菲食病無藥死無棺乞官給醫藥
棺槨設義塚俾饗厲祭死者蒙恩則生者勸帝立報可
且命各郡邑概行之

年富字大有懷遠人以會試副榜注銓景泰二年由河南
右布政擢右副都御史巡撫大同提督軍務時經喪敗
法弛弊尤甚富一意拊循奏免秋賦罷諸州縣稅課局
停太原民轉餉大同武清侯石亨武安侯鄭宏武進伯
朱瑛令家人領官庫銀帛糴米實邊多侵沒富首請按
治詔宥亨等抵家人罪亨所遣卒越關抵大同富復劾

亨專擅亨輸罪已削襄垣王府菜戶又杖其厨役之署
教授事者已又劾分守中官韋力轉叅將石彪及山西
叅政林厚罪是時富威名重天下諸豪家愈側目相與
撫富罪當事大臣于謙力保持之上亦知富深故得行
其志六年母憂起復七年富上言諸鎮守監鎗內官增
於前如陽和天城一城二人擾民殊甚請減汰事格不
行又言洪武定制軍官私罪收贖惟笞則然杖卽降授
徒流俱充軍律甚明今屢變更輕皆復職重惟立功刑
不足懲更無顧憚此皆法官過也於是廷議流徒輸贖
如故惟於本衛差操不得復領軍矣英國公張懋及鄭

大同府志

卷之十七

宦蹟

四十六

宏各置田莊役軍耕種富劾之還軍於伍天順元年草
巡撫官富亦罷歸頃之石彪以前憾劾富逮下詔獄李
賢稱富能祛弊上曰此必彪爲富抑不得逞其私耳已
而事果無驗令致仕後召任戶部尚書

胡貞扶風人先知永和景泰間以最擢知應州買牛給耕
雪冤除獄政聲益茂祀名宦

章綸桐城人景泰中以給事中謫應州判擢本州知州洞
達治體案無畱牘敏練仁恕有功地方後歷官至叅政
董昇亳州人景泰五年襲天城衛指揮僉事成化中累遷
至都指揮使充大同遊擊將軍著績邊垣賜勅獎厲入

署後府都督僉事

王宇字仲宏祥符人正統四年進士天順二年爲右副都御史巡撫宣府命兼撫大同石亨及從子彪驕恣大同其舊鎮地徵索尤橫宇抗疏論其姦乞置之法疏雖不行聞者敬憚督餉郎中楊益不能備芻藁爲宇所劾戶部庇之宇並劾尚書沈固等皆輸罪性剛介所至有盛名終大理寺卿

王越字世昌濬縣人善射涉書史有大畧登景泰二年進士由御史超拜山東按察使天順七年大同巡撫韓雍召還上難其代喟然曰安得如雍者而任之李賢薦越

大同府志

卷之十七

宦蹟

四十七

召見上喜其岸異卽擢右副都御史以行甫至遭母憂奪情視事越乃繕器甲簡卒伍修堡砦減課勸商爲經久計以援延綏有功累遷至左都御史入爲兵部尚書仍掌院事十六年出師援榆林越提督軍務與監軍汪直將輕騎循塞垣而西越盡選宣大兩鎮兵二萬出孤店潛行至貓兒莊分數道至威寧掩擊之大獲封威寧伯晉太子太傅大同總兵官孫鉞卒卽命越代之後加少保卒諡襄敏

楊信字文實六合人幼從從父洪驍雄奮勇以是知名累功封彰武伯充延綏總兵官天順三年代李文鎮大同

成化初命信佩將軍印總諸鎮兵徃禦水泉營及朔州
屢却之遂東入大同因詔信還鎮六年與副將徐恕叅
將張瑛分道出塞有功璽書獎勵前後三十年鎮以安
靜人樂爲用卒諡武毅

李秉字執中曹縣人正統元年進士累遷右僉都御史巡
撫宣府天順初改督江南糧儲會廷議復設巡撫大臣
薦秉才遂命巡撫大同都指揮孫英先以罪貶職還衛
總兵李文妄引詔書令復職秉至卽斥之裨將徐旺領
騎卒操練秉以旺不勝任解其官怨謗紛起會天城守
備中官陳例久病秉請易以羅付上責秉專擅徵下詔

大同府志

卷之十七

宦蹟

四十八

獄法司希旨 爲民尋起故官進左都御史成化二年
出大同更將帥申軍令而還未幾命爲總督與武清伯
趙輔分道出塞大捷賜麒麟服加太子少保入爲吏部
尚書致仕

陳壽字本仁寧遠衛人成化八年進士授戶科給事中視
宣府大同劾去鎮守中官不檢者後仕至刑部尚書
鄭寧字志道祥符人正統間進士成化中以左僉都御史
巡撫宣府逾年移大同時疆場無事寧延見境內士大
夫咨詢民瘼次第舉行士民胥悅致仕歸囊無餘貲閒
居十四年服食淡泊數至匱乏詔有司歲給米四十石

孫博字約之景州人成化中太監汪直與都御史王越保國公朱永將團營軍北征博以紀功從先是博爲給事嘗疏論直直恚甚至是請以爲從或危之博曰諫吾職也死生榮辱吾命也將安避乎旣抵大同每出戰輒令隨營博意氣峭拔批鞞繡襖馳騁萬衆間如健將間聚議機宜益侃侃雄辨久之直亦敬服師還論功遷山西按察使僉事

周璽字廷玉遷安人襲世職指揮使習兵書善騎射充右叅將分守陽和成化十六年從王越征威寧海子晉都指揮使十八年戰黑石崖有功進署都督僉事遷大同

大同府志

卷之十七

宦蹟

四十九

副總兵十九年秋分守懷仁聞總兵官許寧大同失利亟還兵援璽大呼陷陣少却久之短兵接臂中流矢拔鏃戰益奮勁圍乃解以功予實授宏治中佩征西將軍印

劉寧字世安山陽人襲職指揮使成化十八年爲左叅將分守陽和十九年因大同總兵官許寧被圍於夏米莊寧援兵至乃退無何復入境寧將兵三千連勝於聚落站白登柳林小鵝鶻峪時諸將多失利許寧以下獲罪寧超遷都督同知改左副總兵協守大同與偏頭關總兵周璽並著功績時稱名將宏治十三年大同告警命

爲副總兵從平江伯陳銳禦之銳無將畧與寧不協無功還

溫恭天城衛人成化十六年以世職從戰威寧海子有功陞本衛指揮僉事進同知授懷遠將軍宏治中守備天城正德間累陞都督僉事掛印鎮守大同寧陽鋪設軍分調所獲甚衆尋移鎮寧夏

余子俊字士英青神人景泰二年進士成化二十年以戶部尚書兼左副都御史總督大同宣府軍務其冬還朝明年復出大同先是子俊巡撫延綏東起清水營西抵花馬池延袤千七百七十里咸鑿崖築牆掘塹其下連

大同府志

卷之十七

宦蹟

五十

比不絕每二三里築墩臺崖皆備巡警又於崖皆空處築短牆橫一斜二如箕狀以瞭遠避射牆內之地悉分屯墾及巡宣大請行延綏邊牆法因歲歉而止比復議欲行之言東起四海冶西抵黃河延袤千三百餘里舊有墩百七十應增築四百四十墩高廣皆三丈計役夫八萬六千數月可成詔明年四月卽工而歲比不登上下難之子俊又欲責成於守臣而已不親其事謗議遂起至冬疏請還改左都御史巡撫大同爲中官韋敬讒搆危甚賴工部侍郎杜謙等平情勘奏得致仕去二十三年上悟子俊無罪復召爲兵部尚書子俊嘗曰大臣

謀國當身任利害豈得遠怨市恩爲自全計其所修邊垣迄爲數世利云

李敏字公勉襄城人景泰五年進士成化時歷山西四川左右布政使擢右副都御史巡撫大同修治垣塹堠烽無警大同孔廟無雅樂敏上奏得頒給如制居三年召爲兵部右侍郎累遷戶部尚書先是敏在大同見山東河南轉餉至者道遠耗費乃會計歲支外悉令輸銀民輕齎易達而將士得以其贏治軍裝交便之至是并請畿輔山西陝西州縣歲輸糧者每糧一石徵銀一兩以十九輸之依時值折軍餉有餘則召糴上從之北方二

大同府志

卷之十七

宦蹟

五十一

稅皆折銀由敏始

孫洪字伯大山東昌邑人景泰間進士成化中由河南布政擢右副都御史巡撫大同以威寧海子之捷進左副都御史食正二品俸

邱璐字仲玉蘭陽人成化壬辰進士由給事中累遷至山西左叅政分守大同沉静博學凡建白施設多中民隱卒於官家無餘貲歸無室處人以是高之

謝綬字朝章朝城人成化甲辰進士由知縣累遷右僉都御史巡撫大同綬至鎮簡練軍實墾田殖穀威名流聞塞上又設伏險阨以嚴戒備日對將吏商軍務方晷夜

治文書按圖籍指畫山川險易撫恤士卒調給芻糧燕犒無不周至屢奉璽書褒美以勞成疾卒於官

歐信字孚先薊州人成化甲辰進士以郎中督餉大同增置東大有倉乘賤易粟備用歲積至五十萬石歷陞右副都御史巡撫大同始至卽選將訓兵綜理屯牧修舉廢墜未逾年卒

洪漢字天章成化壬辰進士授部曹歷陞右副都御史巡撫大同叅贊軍務撫恤軍民搜剔蠹弊風紀振而邊境肅然上疏極言便益地方八事而增守備以專責任演神機以期實用置方田以裕屯貯寬住俸以惜逃官尤爲八事中切要者因觸忤中官回籍

大同府志

卷之十七

宦蹟

五十二

張文質扶風人成化間以舉人知渾源州時有妖狼爲祟牒城隍攝狼至磔於南墀之右歲旱禱雨立應渾源境獨稔尋調知澤州去民思之爲立碑

陳梁涇陽人成化中以舉人任渾源知州地有恒山素禁樵採梁請弛禁民獲利南人充大同軍役不服水土多死者梁上其狀遂各調本土衛所軍民圖像祀焉陞贛州同知

于璧新城舉人成化間任渾源州學正學富教嚴集諸生號舍朝夕啟迪人才極一時之盛徵拜御史

蔣琬江都人襲祖貴定西侯爵成化十年督十二團營兼總神機營兵上言大同宣府腴田無慮數十萬悉爲豪右所占請遣給事御史按覈定其科額嚴戢豪右毋得侵奪章下所司雖不盡行時論躱之十三年帥京軍防秋大同宣府陳機宜十餘事皆報可以功累加至太保薛敬之字顯思渭南人從蘭州周蕙游以歲貢生入國學與同舍陳獻章並有盛名成化末選應州知州課績爲天下第一遷金華同知

韓福西安前衛人成化十七年進士爲御史按宣府大同數條奏軍民利病人士胥悅之

大同府志

卷之十七

宦蹟

五十三

張俊宣府前衛人嗣職本衛指揮使累擢大同遊擊將軍宏治十二年以功進都指揮同知大同鋒警俊遣兵三百邀其前復分兵三百爲策應而親禦之荆東莊依河結營擊郤三萬餘騎上大喜立擢都督僉事代王璽爲總兵官未幾移鎮宣府去

王獻臣字敬止其先吳人隸籍錦衣衛宏治六年進士由行人擢御史巡大同請亟正諸將姚信陳廣閉營諉避及馬昇王杲秦恭喪師罪悉蠲大同延綏旱傷逋賦以寬軍民上多從之

許進字季升靈寶人成化二年進士宏治元年擢右僉都

御史巡撫大同時士馬盛強邊防修整咸服其威會與分守中官相訐謫兗州知府後仕至吏部尚書

李介字守貞高密人成化五年進士歷兵部左侍郎宏治十年兼左僉都御史督餉大同且經畧之介大修邊備察核官田牛具錢還之軍以其資償軍所逋馬價人皆悅之先後條上便宜二十事卒贈尚書

石玠字邦秀藁城人成化末年進士宏治中爲御史出覈大同軍儲條奏悉中機宜正德中以右副都御史巡撫大同後官至戶部尚書玠有操行居官持正

史琳字天瑞成化丙戌進士性宏豁喜談兵爲給事巡按

大同府志

卷之十七

宦蹟

五十四

多建白三爲提督初赴宣府大同治兵食以防其後尋以捷聞宏治乙丑宣府失利琳奉命出師與大帥分駐宣府大同諸路捷再上褒賚有加終都察院右都御史胡汝礪寧夏衛人成化中進士宏治間知大同府敦大敏給尤善摘伏稱神明時鎮守中官統京軍駐雲剽竊爲民患汝礪繩之急中官怒卽移疾求去吏部惜其才固畱之由是益發舒敢任事戢豪強黜貪墨風紀肅然累遷至兵部尚書

劉大夏華容人天順八年進士宏治十年大同行師乏糧大夏以戶部侍郎出經畫之或曰大同糧草半屬京貴

子弟公剛介此行恐取禍大夏曰處天下事以理不以勢定天下事在近不在遠候至彼圖之既至詢咨父老得其要領揭榜通衢云某倉缺糧若干石每石給官銀若干凡境內外官員客商願輸者米自十石以上草自百束以上聽卽中貴子弟不禁也不兩月倉場有餘積家有餘財

楊志學字遜夫彭城衛人宏治六年進士十七年以戶部郎中督大同糧儲綜理周密商民戴之正德間累官僉都御史巡撫大同以鎮靜爲治甚得軍士心後仕至刑部尚書

大同府志

卷之十七

宦蹟

五十五

陳伯安錦衣衛人宏治十五年以進士知山陰縣洞達治理案無畱牘大修邊備民賴以安行取御史攀轅者盈路不絕

杭雄字世威由綏德衛總旗積功至叅將擢都督同知武宗幸宣大雄扈從卽拜大同總兵官嘉靖初移鎮延綏憲字維綱東平人宏治三年進士授知縣正德中累遷右副都御史巡撫大同以應州防禦功廕錦衣百戶

王時中字道夫黃縣人宏治三年進士授知縣召拜御史正德中出按宣大逮繫武職貪污者百餘爲東廠誣奏謫戍劉瑾誅起用終刑部尚書

馬隆陝西中部人正德間任大同府推官性沉毅執法如山然廉平不苛無滯獄後戍卒變將鼓譟入王府隆挺身往戍卒聞風皆退無敢譁者

孫璽字朝信平湖人正德戊辰進士任山西僉事嘗奉命丈草場地土清其地之爲奄戚所漁奪者悉歸之民大同經兵餘卒伍驕悍少不當意輒負怙跳擲以爲常璽巡大同盡心撫馭人賴安堵且累著戰績以贊畫功賜賚後罷歸

何棟字伯直長安人正德辛巳進士累遷左僉都御史巡撫大同是時彗星見棟知期年後當有災至鎮申嚴紀

大同府志

卷之十七

宦蹟

五十六

律拊循營伍高山一戰獲全勝邊境肅然未幾左遷四川叅議

車純字秉文上虞人正德丁丑進士累擢山西布政使叅議分守大同大同扼邊而險時戍卒不靖將薄近郊純轉餉調兵多方經畧文武大吏依如長城歲侵民饑純發邊儲賑之蘇活無算撫按以最績上陞雲南按察副使

杜旻錦衣衛人初爲御史有直聲正德十六年知大同府時法令廢弛旻保境庇民不爲權貴所撓士民賴之

楊文奎隆德人正德間知靈邱縣性剛方有爲築關廂建

學舍祀神祭器之屬無不周具境內一新後以戰功陞
應州知州邑人勒石頌德

許繼章邱人正德間知渾源州泣官清勤自奉甚約雖古
廉吏不能過及卒囊無緡錢人爲歎息

黃卿益都人正德九年進士任應州知州慈祥愷悌每歲
儲粟以贍貧民修城池通樵採民尤永賴

韓邦靖字汝度朝邑人與兄邦奇同登正德三年進士嘉
靖初爲山西左叅議分守大同歲饑人相食奏請發帑
不許復抗疏千餘言不報乞歸不待命輒行軍民遮道
泣畱抵家卒未幾邦奇亦以叅議蒞大同父老因邦靖
大同府志

卷之十七

宦蹟

五十七

故前迎皆泣下邦奇亦泣秦晉人盛傳之

許宗魯字東侯陝西咸寧人正德中進士嘉靖初以御史
按宣大大同將卒驕悍宗魯罪其尤甚者如法將卒帖
然先是太監劉祥侵沒邊餉以萬計而罪止罷鎮宗魯
請下獄祥大懼卽如數抵還

毛伯溫字汝厲吉水人正德三年進士嘉靖中累官右僉
都御史巡撫山西未赴十八年詔伯溫總督宣大山西
軍務大同所轄鎮邊鎮川宏賜鎮河鎮魯五堡相距二
百餘里自巡撫張文錦以築堡致變後無敢議修者伯
溫曰變所由生以任用匪人非建議謬也卒營之募軍

三千給以閒田永除其賦邊境賴焉錄功加太子少保

大同府志

卷之十七

宦蹟

五十八

大同府志卷之十七終

